

Alþingi
Erindi nr. P 139/126
komudagur 5.11.2010

SFF
SAMTÖKFJÁRMÁLAFYRIRTÆKJA
Icelandic Financial Services Association

Reykjavík, 5. nóvember 2010


Allsherjarnefnd Alþingis
Nefndasvið
Austurstræti 8-10
150 Reykjavík

Varðar: Frumvarp til laga um gjaldþrotaskipti (fyrningarfrestur), 108. mál.

SFF hafa fengið til umsagnar ofangreint frumvarp þar sem lagt er til að stytur verði í tvö ár fyrningarfrestur á kröfum sem ekki fást greiddar við gjaldþrotaskipti. Miðar breytingin að því að auðvelda þeim einstaklingum, sem teknir hafa verið til gjaldþrotaskipta, en bera áfram ábyrgð á skuldum sem ekki hafa fengist greiddar við gjaldþrotaskiptin, að koma fjármálum sínum á réttan kjöl. SFF telja mikilvægt að stuðla að því að einstaklingar geti komið fjármálum sínum á réttan kjöl eftir gjaldþrot. Samtökin benda á að með breytingunni er gerð grundvallarbreyting á lögum um gjaldþrotaskipti og greina þarf ítarlega hver áhrif slíkrar breytingar verða til framtíðar áður en hún er lögfest. SFF telja áhrif breytingarinnar jákvæð fyrir einstaklinga sem teknir eru til gjaldþrotaskipta en huga þarf að því að ekki myndist hvati til gjaldþrota í stað þess að einstaklingar nýti þau greiðsluferfiðleikaúrræði sem í boði eru.

Þegar horft er til áhrifa breytingarinnar til lengri tíma benda SFF á að með þessari grundvallarbreytingu á lögum um gjaldþrotaskipti er líklegt að lánveitendur muni taka upp heildstætt áhættumat á hverjum viðskiptavini líkt og tíðkast í Bandaríkjunum en þar í landi er fyrningarfrestur krafna eftir gjaldþrot skammur. Verði frumvarpið að lögum er mikilvægt fyrir lánveitendur, hvort sem um er að ræða opinbera aðila eða einkaaðila, að hafa aðgang að opinberri skráningu gjaldþrota þannig að hægt verði að meta áhættu af lánveitingu t.d. til aðila sem oft hafa orðið gjaldþrota. Því er lagt til að samhliða þessari breytingu verði komið á fót opinberri skráningu gjaldþrotaúrskurða og í því sambandi verði litið til fyrirkomulags sem tíðkast í þeim löndum þar sem fyrningarfrestur krafna eftir gjaldþrot er skammur t.d. í Bandaríkjunum.

f.h. Samtaka fjármálafyrirtækja



Jóna Björk Guðnadóttir